

EL VENTO

El vento ne conta storie
storie de altri tempi,
tempi lontani.
Storie contade soto el sol,
soto questo ziel
ai nipoti cari.
O magari, vanti casa
soto la pergola
o sul saliso
dove riva quela fresca baveta,
che la fa piazer come una careza.
Come un abraso
come un sorriso.
Qualche volta la da fastidio
che drio el colo la te impira
la te stufa, no la mola
e tuto el giorno la te xe de intrigo.

Ma contine, vento!
Contine la confusion del mar,
le onde che le sbati de lontan.
Contine pian, in te la recia
come ti scorli i rami
e ti ne fa bater i denti.
Come ti porti via i fiori e i colori
come ti ingrumi la polvere
i zufi de fien,
e tuto quel che davanti te vien.

Vento, vento, che tante volte
ti fa disastri
che ti fa rabiar el mar
te prego vento, no farne del mal!
Sufia su de noi quanto te par,
ma continua solo a
contar, contar, contar...